



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Francisci Xaverii E Societate Iesv Indiarvm Apostoli
Novarvm Epistolarvm Libri Septem**

Francisco <de Javier>

Romæ, 1667

Epistola IV. P. Ioanni De Beira Societatis Iesv.

[urn:nbn:de:hbz:466:1-46129](#)

NOVARVM EPIST.Lib.7. 607

te momentum esse arbitrarer mearum gra-
vissimarum commendationum . Deus Do-
minus Noster nos in Paradisi Gloriâ con-
jungat . Vale . Malacæ postridie Idus Iulias
An.cicci.

Totus tuus in Christo .

Franciscus.

E P I S T O L A I V.

P. IOANNI DE BEIRA

SOCIETATIS IESV.

*Gratia & Amor Iesu Christi Domini Nostri
ad sit semper nobis auxilio & fa-
vore . Amen .*

Ioannes de Beirâ , per quantum tibi cor-
di est Dei Domini obsequium , mando &
oro , ne quos sensus rerum interiorum à
Deo accepisti , cuiquam hominum commu-
nices . de notitijs loquor cœlesti illustratio-
ne menti tuæ inditis , earum duntaxat re-
rum , quæ ad bonum & profectum spiritua-
lem

608 S.FRANCISCI XAVERII

lem Christianorum Molucensium , Mauri-
censium , aut aliorum quos te curare contige-
rit , nihil pertinent . Quæcumque ad utili-
tatem & progressum in Religione , Christia-
norum attinent , tractabis cum Domino Prä-
tore , à quo impetrare satages mandata &
diplomata quæ ad id opus esse judicaveris .
quod si te facilius obtenturum speres autorita-
te ac gratiâ Domini Episcopi , eum supplex
adibis , orans ne gravetur suadere Domino
Prætori , ut Ecclesiam Molucensem amplecta-
tur protectione regiâ , cavens illi . Iussis ac Scri-
pturis idoneis , adversus injurias vel insidias
Regis Molucarum , parùm , ut ais , ipsi æqui .
Totam porrò istam Goæ negotiationem
tuam , quām brevissimo poteris absolves tem-
pore ; idque sedulò ages , ut quamprimum
expeditus ad redditum sis . Vellem paratus es-
ses ad utendum opportunitate navium quæ
Mense Majo Goâ in Moluccas solvunt ; &
aliquos illuc tecum è nostris Sacerdotes duce-
res . Si Sacerdotum non esset copia , alios
è Socijs assume , vel tincos literis , & Sacer-
dotio destinatos , vel etiam Laicos . nam hi ,
modò boni & industrii sint , propter humili-
tatem facilius se regi sinunt : ideoque accom-
modationes videntur ad pacem concordiam-
que



que nostrorum in eā statione retinendam. Constitue autem cum Patre Magistro Gaspare, ut omnino quotannis saltem unus ē Societate Sacerdos aut Laicus ad Moluccas mittatur. Cave, oro, ne ulla te causa impe-
diat quō minus Majo Menē Moluccas repe-
tas; nam magnum illic desiderium tui est;
utpote cujus ex absentiā non modicum res
Christiana detrimentum capiat. Defer te-
cum Goam hanc meam Epistolam, & osten-
de, si opus erit, Nostris qui illic præsunt. Con-
fido enim eos perspectā meā voluntate, tuæ
reversioni à me jussæ non obstituros. quas
autem res mihi communicasti colloquio ar-
cano quod in Æde sacrâ Malacensi habui-
mus, vide ne cuiquam illic enuncies. Scri-
bo ad Patrem Magistrum Gasparem enixè
måndans, ut tibi omni favore auxilioque
præstò sit ad ita maturè peragenda, quorum
causâ isthuc navigas, negotia, ut quam pri-
mum defungi, paratusque expectare primam
quamque transmissionis eò unde venisti occa-
sionem, queas. Porrò da operam ne redeas
sine diplomatibus Domini Prætoris ritè con-
signatis, quæ disertè revocent privilegia per
Dominum Ioannem Castrum concessa Regi
Moluccarum, quoniam ille quæ vicissim pædus
erat

Qq



610 S.FRANCISCI XAVERII

erat se facturum , & ex se collaturum in com-
moda Christianæ Lusitanæque rei , tam malâ
fide reddit ; contraria potius promissis verbis-
que suis facta exhibens . Deus nos in Paradisi
Gloriâ conjungat . Ex Freto Sincapurano XII.
Kal.Augusti An.cicicili.

Tuus in Christo Frater .

Franciscus .

E P I S T O L A V.

PATRI MAGISTRO GASPARI BAR-
ZÆO RECTORI COLLEGII
GOANI SOCIETATIS
IESV .

*Gratia & Amor Domini Nostri Iesu Christi
ad sit semper nobis auxilio & fa-
vore . Amen .*

MAgister Gaspar , cum Patre Balthasare
Gago , & Petro de Alcacevâ , solvit
Iaponem versus Antonius Iapon , Interpretis
loco ipsis futurus quoad Amangucium perve-
nerint . Inflecti se passus est meis precibus
Ioan-

